

KERATAN AKHBAR

TARIKH : 23 JULAI 2025

AKHBAR : HARIAN METRO

MUKA : 22

SURAT

Pembaharuan dasar dan insentif RMK-13 bantu rangsang pelaburan domestik, asing

27/2025 | Harian Metro

PEYBAHAR
DASAR DAN
INSENTIF

**RMK-13
bantu
rangsang
pelaburan
domestik,
asing**

Kuala Lumpur: Rancangan Malaysia Ke-13 (RMK-13) dijangka meningkatkan daya saing Malaysia dengan mempromosikan pembuatan bernilai tinggi menerusi dasar mesra perniagaan dan pelabur, kata ahli ekonomi.

Profesor Madya Putra Business School Dr Ahmed Razman Abdul Latiff berkata RMK-13, berfungsi sebagai pelan indikatif dari 2026 hingga 2030 akan membantu merangsang pelaburan domestik dan asing melalui pembaharuan dasar dan insentif.

"RMK-13 boleh meletakkan Malaysia sebagai peneraju dengan memanfaatkan kekuatan sedia ada dalam pembuatan dan semikonduktor, memacu integrasi serantau menerusi rangka kerja ASEAN dan menerima pakai kedudukan serantau yang strategik."

"Ia juga harus menyasarkan untuk memajukan rantaian nilai semikonduktor dan menambah baik daya tahanan rantaian bekalan serantau, pada masa sama tidak mengabaikan kemampanan dan keterangkuman dalam kalangan perniagaan tempatan," katanya kepada Bernama.

Dokumen RMK-13 itu dijadual dibentang di sidang Dewan Rakyat pada 31 Julai depan oleh Perdana Menteri yang juga Menteri Kewangan Datuk Seri Anwar Ibrahim.

Selain itu, Ahmed Razman berkata pelan strategik lima tahun itu juga harus menggalakkan automasi melalui insentif untuk penggunaan teknologi, sokongan untuk peralihan tenaga kerja dan dasar jelas dan stabil.

"RMK-13 harus mempercepatkan pendigitalan dengan melabur dalam infrastruktur digital, menyediakan insentif untuk penggunaan digital, mewujudkan ekosistem dan kerjasama serta mengukuhkan keselamatan siber dan tadbir urus data," katanya.

